

鐘宜先生小傳

州人
封大受

乾隆戊子吾州盧雅雨運使宋蒙泉司臬相繼棄世芝焚蕙歎風流頓盡其時樹幟詞壇毅然以斯事為已任者蓋有鐘宜先生云先生姓李氏諱丕基鐘宜其字也州學廩膳生員曾祖源順治乙酉舉人丙戌進士山西河津縣知縣祖櫟康熙己卯舉人內閣中書舍人父徵熊廩膳生舉雍正丁未孝廉方正浙江武康縣定海縣知縣先生承藉家學不名他師才敏而學博一時老師宿儒咸加器重謂李氏之興殆未艾也大令官浙中久

德州人物傳

州衛書院校定本

先生承顏養志侍左右絕去膏粱紈袴之習惟圖史自怡間與其地雄駿君子遊又得江山之助為詩古文詞益深博無涯涘乾隆己卯應秋試出所作質於青田韓先生錫祚先生稱其文清迥絕俗脫然畦封當列前茅已而竟被落自是息機邛園不復作覓舉想矣大令罷官歸家徒四壁立盡無儲粟先生又不善治生舌耕筆織賴門生致脩脯給朝夕嘗從容言師嚴然後道尊吾濟以寬其因材而施不事夏楚漸漬久之而人自化於光風霽月中所謂師逸而功倍者耶性樂易與人交不設城府

熟於

國家掌故多聞舊典人家舉婚嫁喪葬事必咨先生為斟酌古今從俗從宜豐儉皆中乎禮若閭牆之兄弟鄰里雀鼠之爭往往得先生一言而釋人以比王彥方庚子館袁聿修知州家一夕被酒卒年五十九先生之於文箋啟傳誌悉有古法尤善為哀誄之詞纏綿悽惻其聲動人然多代人製脫稿輒揮去故篋中尠有存者詩清圓流動不事鉤棘自極行雲流水之致先生歿四十年從孫吏白孝廉展轉蒐輯勵得如干首意若有憾然

德州人物傳

州衛書院校定本

一滴水可知大海味豈必以其多哉先生為大受本生高祖外孫時往來余家憶十二三時獲侍先生側竊歎其德容之粹持論之平胸懷之浩落近時無復有能繼之者不揣樸昧謹記其崖略如此庶後之誌獨行者有考焉

封希尹傳畧

封希尹字莘甫德州人初受學於李終逸年十八入州庠次歲丁母憂哀毀成疾年二十二父卒經營喪葬咸哀於禮繼母柴視如己子希尹奉事惟謹歲時供陳遺像未嘗不流涕也自奉必儉約周人必優厚有姊適李鎬鎬遠歿天津家貧歸其柩葬之撫甥景洛賃屋資其衣食景洛受人嗾以希尹匿貲誣控官置不與校景洛旋亦悔謝待之如初少娶於張張無子授女田八百畝妻歿以地歸張張

氏立為義田州人兩稱之年四十二卒

封大受傳畧

封大受字仲可號棣堂德州人元豫孫乾隆庚戌恩科
進士博雅工詩究心說文弱冠名噪海右登第後待銓縣
令竟不謁選家居授徒卻其脩脯貧者兼資給之多所成
就故城賈方伯臻其高弟也性謹恪不臧否人嘯歌一室
詩書外無他好孫觀察星衍督糧山左重其學行求一見
不可得孫益重之諸老既歿巍然負山斗重望一時碑版
之文多出其手所著德州文撫詩撫柳舫日鈔邑里文獻

蒐采畧備事關名教者輒紀以文年七十一卒於家

呂東表傳畧

呂東表字書佩號雲谷德州人生而英異八歲學詩即有有情明月圓如鏡屈指今年第四回之句未弱冠補博士弟子員乾隆戊午舉於鄉壬戌成進士榜下即用知縣得山西猗氏縣猗氏古郇瑕地也俗獷悍號難治閔堂闢縣之事不可屈指數甫蒞任即值亢旱籲於上官得所請頒賑於鄉又捐俸賑以粥全活者億萬計居官儉約如寒士體恤民隱疊疊如不及理訟明察如神民不忍欺有白面

包公之稱以俗謂包孝肅鐵面故也丁卯夏萬邑因丁徭之故激為變城閉者三日矣太守往諭之民執之誓且走已出南門將登山適東表以稟事至衆曰賢父母來矣羅拜於前東表曉以大義欣然聽命炷香送太守還四門盡啟紛紛者各鳥獸散迨訥公戡亂邑之居民不至玉石俱焚者東表之力也歲庚午以應付餉車遲罷官居民舍百姓送粟米柴薪者爭赴門外辭不獲止辛巳

聖駕幸五臺趨熱河接

駕蒙召見

賞給原銜有紀恩詩二章居鄉恂恂不以賢智先人與同年宋
廉訪相友弼善每與倡和晚年悉焚其稿惟學詩漫草古文
格言四卷存焉

德州人物傳畧

州衛書院校定本

呂音正傳畧

呂音正字襄宸德州人東表次子天性肫篤幼嗜讀長入州庠旋食餼為一時名宿教授生徒皆勗以身心性命之功故游其門者多成為名儒良吏晚歲貢成均好學弗倦接人如春風煦物見者皆怡即市井桀驁之輩互相爭鬪聞其至不勸自解皆肅然起敬當時咸以比漢之王烈云

宋弼傳畧

宋弼字仲良號蒙泉鄉賢宋公性後裔也曾祖炳明崇禎
丙午舉人以刑部郎中補肅州道祖兆李康熙丙寅拔貢
郟城教諭父來會號秋圃癸卯拔貢世傳家學弼性耿介
好直言乾隆乙丑進士授翰林院編修教習庶吉士分纂
文獻通考癸未大考原品休致諸城劉文正錢唐梁文莊
重其文章品行奏留在館轉贊善出為鞏秦階道伏羌徽
禮等縣地震親行勘賑無一夫不被澤調甘肅道陞陝西

德州人物傳畧

州衛書院校定本

按察使治案牘夜以繼日不假手於幕友每出行禁供應
御下以嚴暇則採風土物產以詩紀之著有詩集八卷文
稿四卷俱未見所見者唯州志稿七冊

封元豫傳畧 鈔濟南府志

封元豫字立齋德州人廩貢生性孝友事母李氏非因事
外出則日侍膝下嬉笑為樂後年幾艾率行不倦季弟為
人所陷幾獲重戾傾貲陰為解免終不使弟知之家計雖
豐不喜華靡孜孜以延師課子孫為務與人言溫溫若恐
忤之年七十餘子希孔候選主事孫大受乾隆庚戌
進士



魏爾秀傳略

魏爾秀字天毓號含元德州人生而凝重不為童稚嬉戲
年稍長耕田抱瓮作勞不息夜篝燈誦讀以貧故不能購
書往往從人借錄書聲出老屋破窗中四鄰皆感動年十
八補衛學生旋食餼問業於其族^{叔祖}柏丕承丕承試其學甚
悅謂之曰昔永平公治尚書有名中萬歷丁酉鄉舉予亦
以此登北榜汝其勉之爾秀因專力治書乾隆庚辰領鄉
薦時丕承已故爾秀念之輒流涕痛其不及見也值諱日

德州人物傳畧

州衛書院校定本

必素服為位祭之後應禮部試漏數下三藝皆就適貢院
火起倉皇隨衆出述其文於同舍者傳誦遍都門踰數日
再試病不得入闈中仍命原題同舍某錄為己作榜發竟
高捷同人有為扼腕者爾秀曰命也自是不復進取與弟
爾輝友愛無間有妻被蘇牀之風同年某官德州學正推
城中宅居之幾十年乾隆壬子捐穀百斛振親黨鄰里無
德色當時咸以盛德稱之

魏爾秀傳畧

魏爾秀字天毓德州衛人弱冠為名諸生家貧耕田抱甕
夜篝燈以讀乾隆庚辰中省試連上春官不第怡然曰吾
其以力田老乎布衣草笠隱於田間壬子無年出穀振鄉
里多免於流亡平生善教後進學者執經問難每立隴畔
以受講解嘗納官米坐田車至城東門遇淖自下鞭牛以
進若忘其為鄉先生者爾秀性坦易胸無城府不喜交富
貴惟以品節自高進士封大受銘其墓曰先生帶經而鋤

無舍業以嬉汲泉汲古優哉游哉蓋隱君子也歷下唐雪
懷寫灌園授經圖以贈之今藏於家孫開均官徐州衛守
備豪爽有才畧嘗傾金脫人於難名聞江表

馮淑清傳畧

馮淑清字性之春臺號也德州衛人高祖廷榭與青州趙
執信齊名稱二妙者淑清承其家學有雋才為諸生時周
書倉太史器重之中乾隆庚子舉人官商河教諭平生行
誼端方言笑不苟暮景頽唐二子橋榴已死身後無為之
表章者然至今鄉人劇談稱先正必首推馮性老云

趙大經傳畧

趙大經字叔常號春礪德州人念曾子乾隆戊子舉鄉試
第二人性豪邁敦尚氣誼詩文援筆立就悉有典則尤善
學米襄陽書州人盧見曾宋弼咸器重之壯歲名動公卿
與董文恪紀文達尤深文字契由鄒縣教諭擢知直隸武
清縣邑瘠而貧民苦徵調大經潔己恤民民困乃蘇生母
袁歿以上元前邑人為罷燈市因公久留餽薪米者相繼
其政可知也服闋改官山西襄陵知縣循聲尤著病卒於

德州人物傳畧

州衛書院校定本

官邑人多尸祝焉著有閩遊草嶧尾草堂詩晴碧軒詩初
心齋詩

李有基傳畧

李有基字福生號東圃德州人禮之孫少負異才博涉書史既長尚氣節見義必為乾隆乙酉以第一人舉於鄉辛丑成進士官閩之連城令前令欠倉穀不能償有基憫其貧乏代償之未竟而有基卒於官大府留其子鉦錄不遣兄弟泣請於府門者累日然後鉦歸錄留為質三年鉦罄產赴閩交款乃得與錄歸鉦中乾隆癸卯舉人官蘭山廣文錄中嘉慶丙子舉人性古傲有父風其族有鬻其女於

德州人物傳畧

州衛書院校定本

匪人者事甫定未嫁也錄在異縣教讀聞之趨歸以館金畀之退其婚別為擇配士人鄉里高其義相為傳誦封孝廉宗翁紀其事

趙士和傳畧

趙士和德州衛人諸生善岐黃術年六十其母尚無恙也
士和事之能悅其心日聞賣錫聲假作泣狀問故曰欲乞
一錢買錫耳母因之笑又或枕母膝卧起而舞舞罷牽母
裾索母^餅噉與母話皆歡樂事不肯言及鹽米恐以貧觸母
憂其以色養者如此邑紳魏丕承與之交敬禮之曰此老
萊子也吾對之有愧色焉

盧蔭溥傳畧

盧蔭溥字霖生號南石德州人曾祖道悅進士河南知縣
祀鄉賢祖見曾進士兩淮鹽運使世稱雅雨先生父謙湖
北武漢黃德道蔭溥生時左手有異文如筆及長性質敦
敏刻苦學問乾隆己亥舉人辛丑進士改庶吉士習國
書散館授編修與修三通及河源紀畧充翰林院辦事官
進擬文字多出其手乙巳

御試翰詹列二等辛亥再試列三等改禮部主事時阿文成公

德州人物傳畧

州衛書院校定本

掌院以其品學素優請留館

上諭曰朕用伊為部曹正以其堪任事非抑之也嘉慶己未兼
軍機章京辛酉升員外郎中甲子春京察一等戊辰擢鴻臚
寺少卿轉光祿寺少卿辛未以四品卿銜在軍機大臣
上行走由通政司副使歷升內閣學士兵部左右侍郎癸
酉九月京闈事竣赴灤京復

命戍

蹕抵白澗聞京師有警陳奏機宜即日

賜紫禁城騎馬調戶部左侍郎充經筵講官是時豫東及南山匪徒相繼蠢動軍書旁午悉心贊畫綜練機務教匪肅清蒙

恩優叙

特旨賜子本舉人乙亥調戶部右侍郎丁丑擢禮部尚書三日調兵部加太子少保冬調戶部庚辰七月扈從熱河調工部道光元年辛巳

上軫念銓衡任劇畿輔事繁以夙有重望調吏部尚書順天府

德州人物傳畧

州衛書院校定本

府尹事丁亥協辦大學士庚寅授體仁閣大學士總理刑部夙夜殫心平反多獄以故形神兼瘁壬辰始以積勞成疾累章乞身

上慰留至再癸巳三月乃

俞所請以太子太保致政

特命在家食俸疊賜復杖並頒福胙歲以為常乙亥年屆八

旬京兆請重赴鹿鳴以五月初六日卒於京邸蔭溥由詞垣游躋台鼎其為政持大體勘視河工海口清理鹽筴皆

剔其利弊挈其綱維吏胥無所隱充會試總裁者一順天
主考者三浙江山西主考各一提督河南學政一所拔取
多名士如桂林陳繼昌以名臣後為三元世稱盛事焉至
於內行孝友自少至老無間言晚年與季弟怡亭白首相
看跬步不捨訓子弟以嚴正遺疏中不為子孫乞恩可以
見志矣是年十一月葬德州二十里鋪之新阡子本廕生
戶部員外郎孫三人長光燮次報勳次景煥自卒至葬
諭祭再三賻祿有加 賜長孫光燮為舉人

特贈太子太師諡文肅崇祀賢良祠

呂崇修傳畧

呂崇修字筠浦德州人乾隆甲寅登鄉榜官城武訓導滑賊李九成之亂曹州羣盜猝起名城多不守時城武兵僅二十人知縣又恒怯無能為崇修與官紳盟募民兵數百籌以方畧晝夜乘城賊至文亭山距城里許火光如長蛇崇修激勵士卒氣百倍賊傾有備會雨引去事定論功加一級賞不酬功崇修宴如也道光壬午成進士歷知懷來遷安高邑等縣居官廉靜慈祥所至皆以好官稱有保安

令者故與崇修善為仇家所中幾不免崇修解金脫之於難其在高邑也慕趙忠毅公為人求其遺書讀之復禮遇其子孫志趣可想見已崇修貌魁岸品學冠一時至老手不廢書官畿輔十餘年俸金皆散之所識窮乏而自奉寒儉不異作諸生時年六十餘卒官於子載扶柩歸葬宦囊蕭索所遺惟破屋數間故書數篋而已

封大林傳畧

封大林字鄧庵德州人貢生於學無所不窺性疎放不修邊幅友人李銅為蘭山教官歲得金必寄置大林家後銅歸大林出破簾付之封識宛然

趙任傳略

趙任字肩吾德州衛人父如房邳州判官任年十七喪父貧甚居草廡下讀書恒達旦飢則泣恐傷其母也輒朗朗讀不已從名儒呂音正學嘉慶辛酉選貢太學庚午登鄉榜癸未成進士之官皖省貧不能行友人為治裝乃行至皖試知含山已丁內艱歸廬墓側者百日服闋入楚攝光化篆甫八閱月廉能聲大著尋授竹谿令竹谿處萬山中箐深林密夙稱盜藪向一達者盜魁也流毒郟荆間官軍

屢捕之不得任下車易樵人裝微行懸厓絕壁中得其跡遣健僕率弓兵數人授以機宜直入其巢繫之歸卧堂下一達瞠目視任曰不圖今日壞汝書生手送武昌伏法嗣獲其餘數十黨盡散部民始安枕會湖南搖亂作大府素銜任不曲事檄督造軍器限五日內任三朝就壬辰竹谿無年民鮮食枕藉而死任請賑於大府不報憂憤成疾告歸乘小車行過江遇竹谿流民相向泣抵家僦屋而居未幾卒任為諸生時館景州某宦村有少年生因貧經敗廟

中任教之魁教以讀書不索賄後少年生舉孝廉官至顯
要



李丕基傳略

李丕基字鐘宜德州人徵熊子才敏而博補弟子員旋以
優等食餼一時老師宿儒咸加器重隨父官浙中承顏養
志侍左右絕去膏粱紈袴之習徵熊罷官歸家徒四壁立
盡無儲粟丕基舌耕奉養賴門生致脩脯給朝夕嘗從容
言師嚴然後道尊吾濟以寬故其教人也因材而施不施
夏楚人自化於光風霽月中殆所謂師逸而功倍耶性樂
易與人交不設城府熟於

德州人物傳略

州衛書院校定本

國家掌故多聞舊典鄰里舉婚嫁喪葬事多求為斟酌古今從
俗從宜豐儉皆中乎禮若閭牆之兄弟鄉黨雀鼠之事往
往得其一言而釋人以此王彥方云



李清渭傳略

李清渭字吏白德州人少負清才補博士弟子員旋食餼
父早卒事母以孝聞家甚貧賴筆耕供菽水每自塾歸必
將所見所聞之事縷述於母前母聽之喜形於色數十年
如一日與同里封宗翁趙葆赤為友以道義相切劘當時
均有碩儒之目嘉慶己卯捷於鄉官東阿縣學博



封宗翕傳略



封宗翕字鄂亭德州人早歲知名序序文行並優嘉慶丁卯中副舉道光乙酉登賢書連上春官不第以大挑選棲霞教諭不就日與其弟宗良談經講藝研心性理之學書淡泊明志二語於座右生平無一字干官府知州馮公春暉宗翕房師也延入州署教其子宗翕不受脩脯時為之剖解羣經勗以立品敦行之道馮益重之平日詩古文詞皆工然碑銘壽序無幾以為非所深知不欲輕為揄揚也

年八十餘猶為諸孫改削窗藝其時已失明數年令諸孫磨墨口授之須臾已完兩藝點石成金矣著有敦悅堂文稿已刊

謝九錫傳畧

謝九錫字綸齋號雲村德州人郎中重輝元孫也生而穎異承其家學十五歲以第一人入州學屢舉不售游學四方肆力於諸古文辭家素貧性耿介不妄取予由歲貢授清平訓導歲餘卒於官年七十四詩諸體皆工尤長七古識者譬之蔓野叢林驚風來宅時人以為篤論刻有南阮集行世古文稿四言史藏於家

馬百道傳畧

馬百道字凝之號野坪德州人國棟曾孫幼即以孝聞母疾嘗露禱中庭每念母氏茹荼勤苦上節孝事實於所司得旌如例母氏為孫通參莪山女孫通參文名滿天下歿後家中落為刻其遺集今所傳鶴侶齋詩文諸作也教子義方最嚴性緘密不談人過義所不可無少阿或有干故人之顯者持多金丐為之地固辭終弗洩其事見人之阨必周咸豐甲寅粵匪逼境州侯委辦鄉團境賴以安事

定授武城教諭三年引疾歸卒楚北黃荆雲觀察稱其學以改過必勇為宗其司鐸也無干越無委情先行後文嘗曰學官雖間曹然自有當盡之責若闕冗自安何以官為旨哉斯言豈獨無愧為學官抑可謂思盡人職者矣鄉人至今式之

馬洪慶傳畧

馬洪慶字葛村號嘯厓百道仲子由道光己酉拔貢入為武部主政同治甲子舉京兆試性嚴介不近紛華父百道嘗病目夜不能交睫與兄均慶迭侍榻前以手支眦父得假寐時許如是者旬餘兄子翥翊幼失怙衣食教誨撫如己子課之先後成進士州諸生田昂壬戌病歿母老家貧洪慶存恤其家三十年無稍間有良家女為人掠賣具價贖歸其家絕口不復言光緒丁丑歲大饑豫廉訪山來德

查賑舉洪慶理賑務乞食者日萬餘人身坐乾風烈日中驗給籤票五閱月形為之瘁福中丞潤重其操行每入覲過德州先訪之僚屬因丐洪慶為之地婉謝之終其身不以尺書干大吏士大夫由是益欽之年六十有九微疾卒生平嗜詩著有養知堂稿陵州耆舊集集仿山左詩鈔例也

趙峰隼傳畧

趙峰隼字掄秋德州人念曾元孫辛酉壬戌併科副榜家學淵源以行誼文章相砥礪落落與世寡合古之狷介流也生平硯教四方聚徒講授一時朝華夕秀半出其門庚辰辛巳閒安邱馮友文光祿視學粵東延入幕中深相器重重其文者重其品也二子皆諸生先相繼死嗣孫幼晚年抑鬱卒於里詩文諸作為有力者購而藏之奉為指南故著作半多散佚間存一二亦僅矣士論傷之

李衍綬傳畧

李衍綬字嵩屏德州人咸豐初從軍湖廣以功洊保貳尹
衍綬負大志以承不足為也入貲為縣令同治六年除知
雲南之嶠峨時滇事方棘巡撫都御史岑毓英駐軍曲靖
一見即以邊才目衍綬及到官招撫流亡練土兵作防守
計以故迤南皆麻亂嶠峨獨完擢巧家同知署石屏牧石
屏罹兵燹久豪強愍不畏法有趙有幅者以練目積功至
偏裨貪暴恣橫所部皆勁卒將謀不軌毓英知衍綬才使

圖之衍綬單騎至州陽示以懦弱狀夜引壯士伏官廳中
擇日為衣冠會邀有幅至解甲歡飲舉箸伏發斃之堂下
其黨與遂鳥獸散自元江以西郡邑皆相慶更生而衍綬
威聲亦大震官石屏二年治行推滇省第一考績擢臨安
太守賞戴孔雀翎晉三品銜已調署東川歲荒衍綬率僚
佐巡行鄉邑賑飢民全活者甚衆未幾遷大理母憂歸服
闋適法郎西與越南構禍滇帥劉長佑以衍綬知兵奏調
赴邊防衍綬遂再入滇隨大軍出關甫一月染瘴還抵省

卒督撫以

聞

朝廷憫其勤勞卹贈太常寺卿廕一子知縣行綬果毅有幹畧
膽識過人居官廉介自持為大吏所重不十年自邑令起
至五馬歷典大郡所至皆有聲

德州人物傳畧

州衛書院校定本

李祕書傳畧

王鳳翥子騫

李祕書字芸閣德州人少失恃事父與繼母以孝聞於鄉里叔父早世無子因兼承焉依叔母居家甚貧供給維艱弱冠後舌耕梓里得貲分贍兩父母惕然常恐仰事弗周愉色婉容兩父母各無間言啜菽飲水欣如也幼嗜讀書羣居庠序中如老成人長博通經史能文章後學宗之淡於榮利中年貢成均謝舉子業日為生徒講解羣經雖盛夏暑嚴寒無少輟偶有故則心缺然晚年有目疾猶瞑目為

德州人物傳畧

州衛書院校定本

諸生講解於箋註無一錯訛如展卷目覩者然親炙者每稱述而樂道之有啟蒙詩文藏於塾居鄉恂恂好稱人善善規人過慰誨殷勤未嘗有激言厲色雖鄉曲傑鷲見之無不起敬處事存公恕嚴取與數遭禍變最人所難堪者一皆順理處之識者咸服其量生平不濫交交必以信為本教子皆有法度長子鋒優廩生次子鏗丙子科副榜壬午科舉人季子銑乙酉科拔貢辛卯科順天舉人均謹守家教有其父遺風云

江正誼傳畧

江正誼字亦醅德州衛人故讀書族也弱冠登上庠家貧
硯食四方見士風之下每教諸生曰吾人讀聖賢書非徒
為文字計當以身體力行為本遇鄉里婦孺亦必隨事曉
以大義暮年貢成均家居說經足跡不入城市者十五年
正誼品高學粹尤深於養風致古雅可親書齋無陳設惟
集古人格言書紙片粘壁上殆滿有過其齋者則力為講
解而終以實行勗之故人一與之見恒累日春春於懷其

善感人如此年七十三卒



李迴傳畧

李迴字奇生德州人援例入成均為德州望族少孤家中落而天性揮霍敦宗族重交游有以急告者如救焚拯溺無纖毫顧藉心雖素所不識無不立應遠近聞其義多取給焉然善陶朱術屢致千金屢散之嘗出治生於石門值歲大歉乃盡出其積以貸貧者量戶口酌予而不責償後不能給復自家賣金往且代為販糧以濟如是二年餘貧民感泣僉曰李公生我後歲熟爭先輦粟以償雖禁之弗

能止也皆以粟置諸門而去當是時塞上人有欲鬻女償債者耳迴名走訴以故迴惻然詢之代償身價外復給以生計囑令擇良家嫁其女並不問其姓氏其女後生二子並入詞林其長子官游南省過德州偕母登堂拜跪成禮自言包姓始知為塞上所贖女也人或以陰德相推笑謝曰吾只求吾心之安而已報不報非所計也其他行事類此云

孫才傑傳畧

孫才傑字漢三德州人天性孝友不苟言笑鄉人有過必加訶責而性好施與以故人多畏而德之出嗣胞叔少孤事母以孝聞本生胞姊適張氏早卒家貧不能喪公厚葬之有女甥四其長者僅十餘歲均未字也公撫之如己出為之擇婚每置嫁資必逾於己女或謂其過厚乃曰吾非以沽名也庶以慰吾姊於地下耳人以此多其德云

李常有傳畧

李常有德州人本韓氏子襁褓喪父母同里李媪養為子
遂氏李年十五李翁死哀毀幾絕時媪老矣染癰疾常有
事之謹日攜籃作小生意無妻室飯媪必親調至嚴冬鶉
衣不完而媪衣食則豐暖無窶人狀媪孫淫於賭常有與
之資本輒蕩盡媪知其不肖數杖之常有隱為調護及孫
客死則歸其骨瘞之先壟未敢聞於媪也媪病日夜哭目
盡腫媪所喜物必多方物色以進侍病榻數月未嘗解衣

德州孝行傳畧

州衛書院校定本

寢媪年九十三卒常有哀號不食及葬哀感路人常有事
媪三十年其孝養多士大夫所不及有人勸其歸宗對曰
母養吾小吾養母老今背之不祥值春秋祭李墓畢則設
位拜韓泣曰不得事生我者常有沒齒之恨也道光十七
年州人聞於有司表其門常有死紳士會葬者車馬相望
於道

魏寶麟傳畧

魏寶麟德州人善事其繼母何以孝稱道光二十三年知州周瑞圖表其門曰孝友可風

德州孝行傳畧

州衛書院校定本

榮爾奇傳畧

榮爾奇德州人明崇禎癸未進士

國朝官山西冀南道左遷渾源州知州順治四年姜瓖叛城
破被執不屈死廕子珮入監讀書乾隆六十年

詔舉殉節故官子孫有司以其裔孫榮士桂應

賜恩騎尉世職

史玠傳畧

史玠德州人嘉慶元年以東昌營外委從勦天里教匪戰歿於四川雲山縣走馬嶺

賜其子瑞麟雲騎尉世職

德州忠節傳畧

州衛書院校定本

楊殿元傳畧

楊殿元德州人官台莊營千總咸豐七年出師江南在四里鋪中礮斷右背死

賜雲騎尉世職

史長清傳畧

史長清德州人玠之孫以祖廕官台莊守備勇敢善戰從
撫部崇恩擊賊累有功保陞都司咸豐八年勦賊於徐州
黃家砦力竭捐軀議加一雲騎尉世職

安玉魁傳畧

安玉魁蘇祿恭定王之裔世為德州人咸豐中官泰安營把總出師江表隸副都統德興阿軍每戰必先登以驍勇稱賊據六合縣之馬家集玉魁往攻之頗有斬獲馬蹶為賊所殺時八年八月二十三日也

賞雲騎世職

德州忠節傳畧

州衛書院校定本

封念祖傳畧

封念祖德州人浙江候補從九品咸豐十一年出差遇賊於途被戕浙撫奏請議卹照四品官以下陣亡例議給雲騎尉世職

閻朝貴傳畧

閻朝貴字錦堂德州人道光庚子進士官歸安縣知縣同治元年賊圍湖州朝貴與邑紳趙景賢嬰城守幾三閱月糧盡援絕城遂陷朝貴巷戰死其子三官抱父屍罵賊亦被殺後浙撫馬新貽

聞於朝卹贈道銜

賞給其子松齡雲騎尉世職

德州忠節傳畧

州衛書院校定本

許文魁傳畧

許文烈許龍驤附

許文魁字漢章世居神頭鎮由衛武生保舉守備遇事明決有膽畧然深沈不伐與弟文烈以氣節相磨勵自同治紀元文烈以武生衛千總四品頂戴奉

旨團練然倉卒舉事民不知戰乃毀家輸財募丁壯造械仗晝夜訓練未數月而土匪三千餘人豎旗放炮已過邊臨鎮橋下將至矣人人自危文烈曰勿懼此易與耳率團勇四百名令各執擋板伏地不動俟賊火藥放盡銃炮弓箭一

德州忠節傳畧

州衛書院校定本

齊俱發鼓譟從之賊衆大敗殺賊數百名又明年擒匪宋景詩攻破陵縣城劫庫殺官城去鎮二十里未知也賊衆突至勢銳甚文烈調團不及乃率本家親丁二十餘名如牆而進突圍巷戰急令居民上房磚瓦齊下賊失勢稍退遂整隊出戰大敗之追至韓村又敗之衆始安而文烈以積勞受病不復理事矣戊辰春南匪張總愚擾境遣賊圍其鎮聲言數萬衆洵懼皆赴文魁所跪哀之文魁毅然曰吾弟不能出此吾責也雖然兵凶戰危能保其必勝乎吾

將以一身當之因出詣賊營見其帥胡勞幅謂之曰將軍率數萬之衆圍鎮吾鎮之父兄子弟已無不延頸以待命矣然有以知將軍之必不攻也賊帥曰請試言之曰將軍之為此來也欲何為乎吾為馬匹財貨耳然吾故曰將軍之必不攻也將軍愛馬人亦愛其馬將軍愛財人亦愛其財况室廬於斯身家於斯人知必死雖婦人孺子亦皆將死守而為將軍之勅敵若旦夕不下圍阻其前官兵邀其後雖有智者不知為將軍謀矣胡不兩利而俱存之孰與

德州忠節傳畧

州衛書院校定本

夫曠日頓兵以自速禍賊帥曰為之奈何曰吾以諸父老不釋之故謬充團長終不忍以區區者為父老累吾家有私藏煙土二百兩名馬二匹願以贈將軍賊帥曰敬諾別而出是時賊衆有生事被傷者遂擁之文魁大言曰吾畏死者不來矣爾等何不持吾頭去賊衆曰試公耳安敢相犯及還曰吾不可失信於諸賊也遣人持煙馬贈之賊移營去後月餘賊衆數萬猝至攻圍甚急外援阻絕文魁姪從九品龍驤率團五百餘人迎戰自晨至夕力竭陣亡蒙

賜卹典準世襲雲騎尉嫡男良弼承襲

德州忠節傳畧

州衛書院校定本

鄧立廷傳畧

鄧立廷德州人以把總從提督劉景芳營同治七年流賊
逼天津迎戰死之事聞照都司例議恤給雲騎尉世職

吳妙音傳畧

吳妙音別號古真德州衛千戶吳端之姑生數年即喜禮佛及長遂為女冠冬夏一破衲閉戶危坐雖姊弟欲求一見而不得年七十築道院居之參禪說法妙有解悟嘉靖十九年年八十四^有端坐示寂異香繞室經宿而散州人另其所居為吳三師禪院密雲兵備使者張子順泐銘於石稱其靈根妙諦有夙授焉

慧圓和尚傳畧

慧圓和尚景州李氏子壯歲善拳勇游食京師後祝髮德
州永慶蘭若居城西水驛戒行甚高為士大夫所喜每歲
募米煮粥以食貧者粥廠之設實基於此云

傅士奎傳畧

傅士奎字瘦石浙之會稽人道光初知德州剛正不受夜
金聽斷明決奸民猾吏無所行其鬼域在官七年百姓安
堵有傳青天之稱

舒化民傳畧

舒化民字自庵靖安人嘉慶丁卯孝廉道光十六年由歷
城令遷德州知州博學有行善行草書神味酷肖蘇眉山
為政尚寬簡潔己愛民有古良吏風創設賓興義塾州衛
兩庠士子至今食其德焉後官至杭嘉湖道祀名宦

葉宗訓傳畧

葉宗訓字大山閩縣人道光壬午武舉官德衛守備廉幹
有為衛官皆武人政多廢墜宗訓至整頓不遺餘力樂近
文事與知州張應翔建書院以課士遇諸生以禮時有不
善治軍者兵大譁以扣餉為詞同官皆惶遽無措宗訓獨馳
至曉以大義撫定其衆典衣冠以餉軍兵歡呼曰葉公生
我者皆羅拜已去官行李蕭然途中死於賊有老婢攜其
幼孫北來見應翔應翔抱置膝上曰兒大山孫耶乃大哭

德州官績傳畧

州衛書院校定本

留養於署州人痛葉之死而高張之義

張應翔傳畧

世壽錄記

張應翔字雲騫湖北祥人拔貢生成豐初由蘭山知縣調知

德州明敏有機智善於任事時江左用兵州當孔道兵差絡

繹而賊據連窩鎮復南窺應翔夜批答軍帖晝則練鄉兵

嬰城亡何訛傳賊渡河城門不啟民大亂應翔使洞開城

方定東鄉邢某大猾也數抗漕見南北不靖糾衆有異志

應翔給之來稟撫軍張亮基執而殺之未幾雜盜蠭起諸

邑團長多叛應翔以信義結民心且勦且撫一境帖然臨

德州宦績傳畧

州衛書院校定本

邑陳貫甲率鄉人殺賊有譖之於僧忠王者目為叛決意

殺貫甲大軍次德州將東向應翔力白王明其不叛以身

家保王乃釋貫甲貫甲後從軍多戰功官至馬邊副將城

北鄉民誤拾兵衣兵見之指為戕兵將甘心焉應翔見營

將曰吾民非戕兵者如以莫須有之事殺吾良民不能也

爭辨不已既而大府牒日數至民皆驚竄應翔曰無恐吾

有頭顱敵之事終雪應翔多學能文章與衛官葉宗訓建

書院擇良子弟親教之雖戎事旁午而講授不輟如趙樸

李汝霖魏迺勳吳華年輩先後掇巍科去同治初遷臨清
知州去日士民遮道送肩輿不得行哭聲震原野說者謂
原公遜志後僅見者祀名宦

修於光緒二十二年丙申十月

德州知州錢祝祺字松生

德州宦績傳畧

州衛書院校定本

